

**A**m Marienplatz  
hams a Trumm Baam aufstellt,  
und davor ham se de Tandler  
a Dorf aus Hüttn baut  
für a paar Wocha.

Ham eanane Budn garniert  
mit goldne Girlanden,  
wei dann s Gschäft besser geht.

Und zuageh tuats,  
ois wens morgn nix mehr gaab  
oda heit ois umasunst.

Da Bodn is voller Matsch und Baatz  
und saukoid is a.

S riacht nach Glühwein  
und Maroni,  
und aus irdendan Lautsprecher  
plärrts Weihnachtsliada:

Schee, gell ?!